

**RM50** >>Kompaun dikenakan dan  
tayar kereta akan diapit

08-08-2017

timur

41

HARIAN METRO

# Awas skuad 'apit' tayar!

■ MPK tubuh pasukan khas bermotosikal ronda jalan utama kesan pengguna parkir sesuka hati

Asrol Awang  
am@hmetro.com.my

Kuantan

Sikap mementingkan diri sehingga menyusahkan pengguna jalan raya mendorong Majlis Perbandaran Kuantan (MPK), menubuhkan Pasukan Apit Roda Bermotosikal sebagai alternatif mengatasi masalah kesesakan di pusat bandar.

Dianggotai 14 kakitangan, pasukan itu akan melakukan rondaan di sekitar jalan utama di pusat bandar terutama di kawasan tumpuan ramai bagi memastikan pemilik kenderaan tidak melanggar peraturan terutama parkir di kawasan tidak dibenarkan.

Ketua Seksyen Perhubu

ngan Awam MPK Izad Zainal Muhammad Safian berkata, setiap anggota dibekalkan sebuah motosikal dan satu unit alat pengapit tayar kenderaan.

Katanya, skuad itu akan beroperasi dari jam 8 pagi hingga jam 5 petang memandangkan tempoh itu adalah waktu puncak berlaku pertindihan parkir atau 'double parking', sekali gus menyebabkan kesesakan lalu lintas terutama di pusat bandar.

"Skuad ini akan lebih mengutamakan kenderaan di dapati menghalang laluan berbanding kenderaan mempunyai kompaun tertunggak. Pemilik kenderaan yang tayar kenderaan mereka diapit akan dikompaun RM50," katanya ketika dihubungi, di sini, semalam.

Izad Zainal berkata, penubuhan pasukan itu diharapkan membantu mengatasi masalah kesesakan terutama memberikan pengajaran kepada pemilik kenderaan supaya mematuhi peraturan jalan raya.

Menurutnya, MPK tidak akan berkompromi terhadap pemilik kenderaan yang bersikap memertingkatkan diri sendiri kerana kesalahan mereka lakukan mencetuskan masalah kepada pengguna lain.

"Oleh itu, pemilik kenderaan yang ingin menjalankan urusan diminta meletakkan kenderaan di kawasan parkir disediakan bukannya parkir di kawasan larangan," katanya.



**FAKTA**  
Skuad itu akan meronda dari jam 8 pagi hingga jam 5 petang

ANGGOTA Pasukan Apit Roda Bermotosikal mengapit tayar kereta yang gagal patuhi peraturan.

Kota Bharu

**Dadah RM1,300 dalam poket**

Kelibat lelaki mencurigakan di tepi jalan dekat Kampung Kubur Maras, di sini, kelmarin, membawa kepada penemuan heroin, pil kuda dan eramin 5 bernilai kira-kira RM1,300.

Dia dipercayai berada di tepi jalan itu menunggu seseorang sebelum ditahan sepasukan anggota Bahagian Siasatan Jenayah Narkotik Daerah Kota Bharu pada jam 5.10 petang.

Ketua Polis Daerah Asisten Komisioner Ismail Mat Sidik berkata, pemeriksaan terhadap badan suspek berusia 26 tahun itu menemui satu beg kecil mengandungi dua botol plastik, 10 peket plastik dan empat foil disyaki dadah.

"Suspek dibawa ke balai polis untuk tindakan selanjutnya. Dia yang juga positif Methamphetamine direman tujuh hari bagi membantu siasatan," katanya.